

风
物
类

1. 城池处所部

入朝曲

江南佳丽地，金陵帝王州。
逶迤带绿水，迢递起朱楼。
飞甍夹驰道，垂杨荫御沟。
凝笳翼高盖，登鼓送华转。
献纳云台表，功名良可收。
齐·谢朓《古诗源》

蓬莱镇

旅客春心断，边城夜望高。
野楼疑海气，白鹭似江涛。
结绶疲三入，承冠泣二毛。
将飞怜弱羽，欲济乏轻舫。
赖有阳春曲，穷愁且代劳。
唐·骆宾王《全唐诗》

经梧州

南国无霜霰，连年见物华。
青林暗换叶，红蕊续开花。
春去闻山鸟，秋来见海槎。
流芳虽可悦，会自泣长沙。
唐·宋之问《全唐诗》

登幽州台歌

前不见古人，后不见来者。
念天地之悠悠，
独怆然而涕下。
唐·陈子昂《全唐诗》

度荆门望楚

遥遥去巫峡，望望下章台。

巴国山川尽，荆门烟雾开。
城分苍野外，树断白云隈。
今日狂歌客，谁知入楚来。

唐 陈子昂《全唐诗》

岳州晚景

晚景寒鸦集，秋声旅雁归。
水光浮月去，霞彩映江飞。
洲白芦花吐，园红柿叶稀。
长沙卑湿地，九月未成衣。

唐 张结《全唐诗》

凉州词

黄河远上白云间，
一片孤城万仞山。
羌笛何须怨杨柳，
春风不度玉门关。

唐 王之涣《全唐诗》

山行入泾州

倦此山路长，停骖问宾御。
林峦信回惑，白日落何处？
徙倚望长风，滔滔引归虑，
微雨随云收，濛濛傍山去。
西临有边邑，北走尽亭戍。
泾水横白烟，州城隐寒树。

所 1t-异风俗，已自少情趣。
岂伊怀土多，触目欣所遇。

唐 王昌龄《全唐诗》

泊扬子津

才入维扬郡，乡关此路遥。
林藏初过雨，风退欲归潮。
江火明沙岸，云帆碍浦桥。
客衣今日薄，寒气近来饶。

唐 祖咏《全唐诗》

宿郑州

朝与周人辞，暮投郑人宿。
他乡绝俦侣，孤客亲童仆。
宛洛望不见，秋霖晦平陆。
田父草际归，村童雨中牧。
主人东皋上，时稼绕茅屋。
虫鸣机杼悲，雀喧禾黍熟。
明当渡京水，昨夜狄金谷。
此去欲何言，穷边狗微禄。

唐 王维《全唐诗》

秋日登扬州西灵塔

宝塔凌苍苍，登攀览四荒。
顶高元气合，标出海云长。
万象分空界，三天接画梁。

水摇金刹影，日动火珠光。
鸟拂琼帘度，霞连绣棋张。
目随征路断，心逐去帆扬。
露浴梧楸白，霜催橘柚黄。
玉毫如可见，于此照迷方。

唐 李白《全唐诗》

游水西简郑明府

天宫水西寺，云锦照东郭。
清湍鸣回溪，绿竹绕飞阁。
凉风日潇洒，幽谷时憩泊。
五月思貂裘，谓言秋霜落。
石萝引古蔓，岸笋开新箨。
吟玩空复情，相思尔佳作。
郑公诗人秀，逸韵宏寥廓。
何当一来游，惬我雪山诺？

唐 李白《全唐诗》

金陵三首

晋家南渡日，此地旧长安。
地即帝王宅，山为龙虎盘。
金陵空壮观，长堑净波澜。
醉客回挠去，吴歌且自欢。

地拥金陵势，城回江水流。
当时百万户，夹道起朱楼。
亡国生春草，离宫没古丘。
空余后湖月，波上对瀛洲。

六代兴亡国，三杯为尔歌。
苑方秦地少，山似洛阳多。
古殿吴花草，深宫晋绮罗。
并随人事灭，东逝与沧波。

唐 李白《全唐诗》

秋夜与刘杨山泛宴喜亭池

明宰试舟揖，张灯宴华池。
文招梁苑客，歌动郢中儿。
月色望不尽，空天交相宜。
令人欲泛海，只待长风吹。

唐 李白《全唐诗》

登金陵凤凰台

凤凰台上凤凰游，
凤去台空江自流。
吴宫花草埋幽径，
晋代衣冠成古丘。
三山半落青天外，
二水中分白鹭洲。
总为浮云能蔽日，
长安不见使人愁。

唐 李白《全唐诗》

古风（五十九首录一）

昔我游齐都，登华不注峰。

兹山何峻秀，绿翠如芙蓉。
萧飒古仙人，了知是赤松。
借予一白鹿，自挟两青龙。
含笑凌倒景，欣然愿相从。

唐 李白《全唐诗》

上皇西巡南京歌（十首录一）

九天开出一成都，
万户千门入画图。
草树云山如锦绣，
秦川得及此间无？

唐 李白《全唐诗》

登兖州城楼

东郡趋庭日，南楼纵目初。
浮云连海岱，平野入青徐。
孤嶂秦碑在，荒城鲁殿余。
从来多古意，临眺独踌蹰。

唐 杜甫《全唐诗》

成都府

翳翳桑榆日，照我征衣裳。
我行山川异，忽在天一方。
但逢新人民，未卜见故乡。
大江东流去，游子去日长。
曾城填华屋，季冬树木苍。

喧然名都会，吹箫间笙簧。
信美无与适，侧身望川梁。
鸟雀夜各归，中原杳茫茫。
初月出不高，众星尚争光。
自古有羁旅，我何苦哀伤。

唐 杜甫《全唐诗》

夔州歌（十首录二）

中巴之东巴东山，
江水开辟流其间。
白帝高为三峡镇，
瞿塘险过百牢关。
赤甲白盐俱刺天，
间关缭绕接山巅。
枫林橘树丹青合，
复道重楼锦绣悬。

唐 杜甫《全唐诗》

发潭州

夜醉长沙酒，晓行湘水春。
岸花飞送客，樯燕语留人。
贾傅才未有，褚公书绝伦。
名高前后事，回首一伤神。

唐 杜甫《全唐诗》

秦州杂诗（二十首录二）

莽莽万重山，孤城山谷间。

无风云出塞，不夜月临关。
属国归何晚？楼兰斩未还。
烟尘独长望，衰飒正摧颜。

万古仇池穴，潜通小有天。
神鱼今不见，福地语真传。
近接西南境，长怀十九泉。
何时一茅屋，送老白云边。

唐 杜甫《全唐诗》

登古邺城

下马登邺城，城空复何见。
东风吹野火，暮入飞云殿。
城隅南对望陵台，
漳水东流不复回。
武帝宫中人去尽，
年年春色为谁来？

唐 岑参《全右诗》

过郑曲

路向荣川夕，晴来望尽通。
细烟生水二，图月在舟中。
岸势迷行客，秋声乱草虫。
旅怀劳自慰，浙浙有凉风。

唐 祖咏《全唐诗》

和樊使君登润州城楼

山城迢递敞高楼，
露冕吹铙居上头。
春草连天随北望，
夕阳浮水共东流。
江田漠漠全吴地，
野树苍苍故蒋州。
王粲尚为南郡客，
别来无处更销忧。

唐 刘长卿《全唐诗》

南楚怀古

南国久芜没，我来空郁陶。
君看章华宫，处处生蓬蒿。
但见陵与谷，岂知贤与豪？
精魂托古木，宝剑捐江皋。
倚掉下晴景，回舟随晚涛。
碧云暮寥落，湖上秋天高。
往事那堪问，此心徒自劳。
独余湘水上，千载闻离骚。

唐 刘长卿《全唐诗》

晚次鄂州

云开远见汉阳城，
犹是孤帆一日程。

估客昼眠知浪静，
舟人夜语觉潮生。
三湘愁鬓逢秋色，
万里归心对月明。
旧业已随征战尽，
更堪江上鼓鼙声。

唐 卢纶《全唐诗》

送客游蜀

行尽青山到益州，
锦城楼下二江流。
杜家曾向此中住，
为到浣花溪水头。

唐 张籍《全唐诗》

洛 阳 行

洛阳宫阙当中州，
城上峨峨十二楼。
翠华西去几时返，
泉巢乳鸟藏蛰燕。
御门空锁五十年，
税彼农夫修玉殿。
六街朝暮鼓冬冬，
禁兵持戟守空宫。
百官月月拜章表，
驿使相续长安道。
上阳宫树黄复绿，

野豺入苑食麋鹿。
陌上老翁双泪垂，
共说武皇巡幸时。

唐 张籍《全唐诗》

送从弟戴玄往苏州

杨柳阁门路，悠悠水岸斜。
乘舟向山寺，著屐到渔家。
夜月红柑树，秋风白藕花。
江天诗景好，回日莫令赊。

唐 张籍《全唐诗》

成 都 曲

锦江近西烟水绿，
新雨山头荔枝熟。
万里桥边多酒家，
游人爱向谁家宿？

唐 张籍《全唐诗》

次邓州界

潮阳南去倍长沙，
恋阙那堪又忆家。
心讶愁来惟贮火，
眼知别后自添花。
商颜暮雪逢人少，
邓鄙春泥见驿赊。

早晚王师收海岳，
普将雷雨发萌芽。
唐 韩愈《全唐诗》

送桂州严大夫

苍苍森八桂，兹地在湘南。
江作青罗带，山如碧玉簪。
户多输翠羽，家自种黄柑。
远胜登仙去，飞鸾不暇骖。
唐 韩愈《全唐诗》

石头城

山围故国周遭在，
潮打空城寂寞回。
淮水东边旧时月，
夜深还照女墙来。
唐 刘禹锡《全唐诗》

台城

台城六代竞豪华，
结绮临春事最奢。
万户千门成野草，
只缘一曲后庭花。
唐 刘禹锡《全唐诗》

金陵怀古

潮满冶城渚，日斜征虏亭。
蔡洲新草绿，幕府旧烟青。
兴废由人事，山川空地形。
后庭花一曲，幽怨不堪听。
唐 刘禹锡《全唐诗》

乌衣巷

朱雀桥边野草花，
乌衣巷口夕阳斜。
旧时王谢堂前燕，
飞入寻常百姓家。
唐 刘禹锡《全唐诗》

酬浙东李侍郎

越州春晚即事长句

越中蔼蔼繁华地，
秦望峰前禹穴西。
湖草初生边雁去，
山花半谢杜鹃啼。
青油昼卷临高阁，
红旆晴翻绕古堤。
明日汉庭征旧德，
老人争出若耶溪。
唐 刘禹锡《全唐诗》

登阊门闲望

阊门四望郁苍苍，
始觉州雄土俗强。
十万夫家供课税，
五千子弟守封疆。
阖门城碧铺秋草，
乌鹊桥红带夕阳。
处处楼前飘管吹，
家家门外泊舟航。
云埋虎寺山藏色，
月耀娃宫水放光。
曾赏钱塘嫌茂苑，
今来未敢苦夸张。

唐·白居易《全唐诗》

忆江南

江南忆，最忆是杭州：
山寺月中寻桂子，
郡亭枕上看潮头。
何日更重游？

唐·白居易《唐五代词选集》

答客问杭州

为我#踟停酒盏，
与君约略说杭州。

山名天竺堆青黛，
湖号钱塘泻绿油。
大屋檐多装雁齿，
小航船亦画龙头。
所嗟水路无三百，
官系何因得再游。

唐·白居易《全唐诗》

杭州春望

望海楼明照曙霞，
护江堤白蹋晴沙。
涛声夜入伍员庙，
柳色春藏苏小家。
红袖织纹夸柿蒂，
青旗沽酒趁梨花。
谁开湖寺西南路，
草绿裙腰一道斜。

唐·白居易《全唐诗》

余杭形胜

余杭形胜四方无，
州傍青山县枕湖。
绕#荷花三十里，
拂城松树一千株。
梦儿亭古传名谢，
教妓楼新道姓苏。
独有使君年太老，

风光不称白髭须。

唐·白居易《全唐诗》

晚题东林寺双池

向晚双池好，初晴百物新。
袅枝翻翠羽，溅水跃红鳞。
萍泛同游子，莲开当丽人。
临流一惆怅，还忆曲江春。

唐·白居易《全唐诗》

崔十八新池

爱君新小池，池色无人知。
见底月明夜，无波风定时。
忽看不似水，一泊稀琉璃。

唐·白居易《全唐诗》

宿瓜洲

烟昏水郭津亭晚，
回望金陵若动摇。
冲浦回风翻宿浪，
照沙低月敛残潮。
柳经寒露看萧索，
人改衰容自寂寥。
官冷旧谙唯旅馆，
岁阴轻薄是凉飙。

唐·李绅《全唐诗》

宿扬州

江横渡阔烟波晚，
潮过金陵落叶秋。
嘹唳塞鸿经楚泽，
浅深红树见扬州。
夜桥灯火连星汉，
水郭帆樯近斗牛。
今日市朝风俗变，
不须开口问迷楼。

唐·李绅《全唐诗》

登柳州城楼寄漳汀封连四州

城上高楼接大荒，
海天愁思正茫茫。
惊风乱芙蓉水，
密雨斜侵薜荔墙。
岭树重遮千里目，
江流曲似九回肠。
共来百越文身地，
犹自音书滞一乡。

唐·柳宗元《全唐集》

润州听暮角

江城吹角水茫茫，
曲引边声怨思长。

惊起暮天沙上雁，
海门斜去两三行。
唐 李涉《全唐诗》

西 还

悠悠洛阳梦，郁郁灞陵树。
落日正西归，逢君又东去。
唐 元稹《全唐诗》

扬州春词

广陵寒食天，无雾复无烟。
暖日凝花柳，春风散管弦。
园林多是宅，车马少于船。
莫唤游人住，游人困不眠。
唐 姚合《全唐诗》

瓜洲闻晓角

寒耿稀星照碧霄，
月楼吹角夜江遥。
五更人起烟霞静，
一曲残声遍落潮。
唐 张祜《全唐诗》

纵游淮南

十里长街市井连，

月明桥上看神仙。
人生只合扬州死，
禅智山光好墓田。
唐 张祜《全唐诗》

咸阳城东楼

一上高楼万里愁，
蒹葭杨柳似汀洲。
溪云初起日沉阁，
山雨欲来风满楼。
鸟下绿芜秦苑夕，
蝉鸣黄叶汉宫秋。
行人莫问当年事，
故国东来渭水流。
唐 许浑《全唐诗》

睦州四韵

州在钓台边，溪山实可怜。
有家皆掩映，无处不潺湲。
好树鸣幽鸟，晴楼入野烟。
残春杜陵客，中酒落花前。
唐 杜牧《全唐诗》

自宣城赴官上京

潇洒江湖十过秋，
酒杯无日不淹留。

谢公城畔溪惊梦，
苏小门前柳拂头。
千里云山何处好？
几人襟韵一生休”
‘尘冠挂却知闲事，
终拟蹉跎访旧游。

唐·杜牧《全唐诗》

寄扬州韩绰判官

青山隐隐水迢迢，
秋尽江南草木凋。
二十四桥明月夜，
玉人何处教吹箫。

唐·杜牧《全唐诗》

长安晴望

翠屏山对凤城开，
碧落摇光雾后来。
回识六龙巡幸处，
飞烟闲绕望春台。

唐·杜牧《全店诗》

经五丈原

铁马云雕共绝尘，
柳阴高压汉宫春。
天清杀气屯关右，

夜半妖星照渭滨。
下国卧龙空寤主，
中原得鹿不由人。
象床宝帐无言语，
从此谯周是老臣。

唐·温庭筠《全唐诗》

桂林

城窄山将压，江宽地共浮。
东南通绝域，西北有高楼。
神护青枫岸，龙移白石湫，
殊乡竟何祷，箫鼓不曾休。

唐·李商隐《全唐诗》

咸阳

咸阳宫阙郁嵯峨，
六国楼台艳绮罗。
自是当时天帝醉，
不关秦地有山河。

唐·李商隐《全店诗》

石头城

伯业随流水，寒芜上古城。
长空横海色，断岸落潮声。
八极悲扶拄，五湖来止倾。
东南天子气，扫地入函京。

唐·李群玉《全店诗》

南 阳

昆阳王气已萧疏，
依旧山河捧帝居。
废路塌平残瓦砾，
破坟耕出烂图书。
绿莎满县年荒后，
白鸟盈溪雨雾初。
二百年来霸王业，
可知今日是丘墟？
店 皮日休《全唐诗》

袁 州 作

家家生计只琴书，
一郡清风似鲁儒。
山色东南连紫府，
水声西北属洪都。
烟霞尽入新诗卷，
郭邑闲开古画图。
正是江村春酒熟，
更闻春鸟劝提壶。
唐 韦庄《全唐诗》

南昌晚眺

南昌城郭枕江烟，
章水悠悠浪拍天。

芳草绿遮仙尉宅，
落霞红衬贾人船。
霏霏阁上千山雨，
杳杳云中万树蝉。
怪得地多章句客，
庾家楼在斗牛边。
唐 韦庄《全唐诗》

咸阳怀古

城边人倚夕阳楼，
城上云凝万古愁。
山色不知秦苑废，
水声空傍汉宫流。
李斯不向仓中悟，
徐福应无物外游。
莫怪楚吟偏断骨，
野烟踪迹似东周。
店 韦庄《全唐诗》

台 城

江雨霏霏江草齐，
六朝如梦鸟空啼。
无情最是台城柳，
依旧烟笼十里堤。
唐 韦庄《全唐诗》

送刘郎中牧杭州

一州横制浙江湾，
台榭参差积翠间。
楼下潮回沧海浪，
枕边云起炎嵎溪山。
吴江水色连堤阔，
越俗春声隔岸还。
圣代牧人无远近，
好将能事济清闲。

唐·薛邕《全唐诗》

送人游吴

君到姑苏见，人家尽枕河。
古宫闲地少，水港小桥多。
夜市卖菱藕，春船载绮罗。
遥知未眠月，乡思在渔歌。

唐·杜荀鹤《全唐诗》

营州歌

营州少年厌原野，
狐裘蒙茸猎城下。
虏酒千钟不醉人，
胡儿十岁能骑马。

唐·高适《全唐诗》

忆扬州

萧娘脸上难胜泪，
桃叶眉头易得愁。
天下三分明月夜，
二分无赖是扬州。

唐·徐凝《全唐诗》

广州王园寺伏日即事 寄北中亲友

南越逢初伏，东林度一朝。
曲池煎畏景，高阁绝微飙。
竹策移先洒，蒲葵破复摇。
地偏毛瘴近，山毒火威饶。
港汗绵如濯，亲床枕并烧。
堕枝伤翠羽，菱叶惜红蕉。
且困流金炽，难成独酌谣。
望霖窥润础，思吹候鸣条。
旅恨生乌浒，乡心系洛桥。
谁怜在炎客？一夕壮容销！

唐·刘官史《全唐诗》

奉和王相公早春登徐州城

落日凭危堞，春风似故乡。
川流通楚塞，山色绕徐方。
壁垒依寒草，旌旗动夕阳。

元戎资上策，南亩起耕桑。

唐 皇甫冉《全唐诗》

听话丛台

有客新从赵地回，
自言曾上古丛台。
云遮襄国天边尽，
树绕漳河掌上来。
弦管变成山鸟口弄，
绮罗留作野花开。
金舆玉辇无消息，
风雨谁知长绿苔。

唐 李远《全唐诗》

訾家洲

遥闻桂水绕城隅，
城上江山满画图。
为问訾家洲畔月，
清秋拟许醉狂无？

唐 赵嘏《全唐诗》

晚泊漳州营头亭

迴峰登嶂绕庭隅，
散点烟霞胜画图。
日暮华轩卷长箔，
大清云上对蓬壶。

唐 欧阳詹《全唐诗》

登崖州城作

独上高楼望帝京，
鸟飞犹是半年程。
青山似欲留人住，
百匝千遭绕郡城。

唐 李德裕《全唐诗》

酒泉子

长忆钱塘，不是人寰是天上。
万家掩映翠微间，
处处水潺潺。

异花四季当窗放，
出入分明在屏障。
别来隋柳几经秋，
何日得重游？

宋 潘阆《全宋词》

望海潮

东南形胜，三吴都会，
钱塘自古繁华。
烟柳画桥，风帘翠幕，
参差十万人家。
云树绕堤沙，怒涛卷霜雪，
天堑无涯。
市列珠玑，户盈罗绮，

竞豪奢。

重湖叠嶂清佳，有三秋桂子，
十里荷花。

羌管弄晴，菱歌泛夜，

嬉嬉钓叟莲娃。

千骑拥高牙，乘醉听箫鼓，

吟赏烟霞。

异日图将好景，

归去凤池夸。

宋 柳永《全宋词》

晚泊岳阳

卧闻岳阳城里钟，

系舟岳阳城下树。

正见空江明月来，

云水苍茫失江路。

夜深江月弄清辉，

水上人歌月下归。

一{ n声长听不尽，

轻舟短楫去如飞。

宋 欧阳修《宋诗钞补》

伊川独游

绿树绕伊川，人行乱石间。

寒云依晚日，白鸟向青山。

路转香林出，僧归野渡闲。

岩阿谁可访？兴尽复空还。

宋 欧阳修《宋诗别裁集》

过苏州

东出盘门刮眼明，

萧萧疏雨更阴晴。

绿杨白鹭俱自得，

近水远山皆有情。

万物盛衰天意在，

一身羁苦俗人轻。

无穷好景无缘住，

旅掉区区暮亦行。

宋 苏舜钦《宋诗钞》

微雨登城二首

（其一）

雨映寒空半有无，

重楼闲上倚城隅。

浅深山色高低树，

一片江南水墨图。

宋 刘敞《公是集》

郡斋即事

满轩山色长浮黛，

绕舍泉声不受尘。

四境带牛无事日，

两衙封印自繇身。

白羊酒熟初看雪，